

eigenschaft / das er Mensch worden / Ein  
Herr vnd richter vber alle Menschen / vnd  
vber alle Creatur gesetzt sey / wie Psal. 8. sin-  
get. Was ist der Mensch das du sein gedens-  
ckest / vnd des Menschen Son / das du in  
heimsuchest. Du hast in ein kleine zeit Gottes  
mangeln lassen / Aber / Mit ehren vnd scha-  
muck hastu in gekrönet. Du hast in zum Her-  
ren gesetzt vber deiner hende werck / Alles has-  
tu vnter seine füsse gethan. Noch finds nicht  
dreierley Herrschafft / oder drey Herrscher /  
sondern / Ein Herrscher / vnd eine Herr-  
schafft / die der Vater dem Son / ia dem Men-  
schen vnd Menschen kind / gegeben hat / on  
zweuel nicht also / das er sich selbs vnd den  
Heiligen geist / dauon ausgeschlossen habe.  
Dennoch ist vnd heisset des Menschen herr-  
schafft / die im Gott gibt. Darumb mus der  
selb Mensch / der hie Herrscher heist / rechter  
Gott sein / weil er Gottes reich besitzt / vnd  
also Gotte gleich in der einigen Herrschafft  
ist.

Denn Gott leset vnd gibt keinem andern  
seine ehre oder sein eigen reich / wie er spricht /  
Du solt kein ander Götter haben fur mir /  
Vnd Isaie 42. Ich wil meine ehre keinem  
andern geben / noch meinen rhum den Gö-  
tzen. Nu er aber diesem Menschen / vnd des  
Menschen son / seine ehre vnd reich gibt / nem-  
lich alles was gemacht ist / im vnterwirfft /

E ilj wie